

Mött. 12/1 1967

Starfskvinna
Skógarvandarins
á Vesturlandi
1966

Skógarvæðingum á Vesturlandi

Starfsskýrsla 1966.

Veðráttta: Frá áramótum og allt fram yfir miðjan maímánuð var þurrviðrasamt, mjög frosthart en snjólétt. Síðari hluta máímánaðar brá til rigninga með kulda, og hélzt svo lengst af fram í júlí, en þá kom sumartíð að kalla. Sumarið var frekar þurrviðrasamt, en gerði þó öðru hvoru kulda með rigningu t. d. 20. og 21. júlí, en þá gerði aftakaveður með mikilli rigningu og stórfloð, er olli miklu tjóni. Var þessa daga ekki vinnufært veður. Klaki var í jörðu allt til hausts á stöku stöðum. Var mjög erfitt að vinna í græðireit fram eftir sumri sökum klaka og bleytu. Haustið var gott, en í nóvember brá til umhleyppinga og hefur verið hörð tíð í nóvember og desember. Þetta ár mun talið erfitt gagnvart búskap. Gras kom seint og kal var afar mikið og á mörgum stöðum var grasvöxtur nálega enginn. Kartöfluuppskera var hér um slóðir engin að kalla og mörg dæmi þess, að ekki var hirt úr görðum. Einsvegar var vöxtur trjáplantna ágatur, einkum á eldri plöntum. Rauðgreni við Hreðavatn óx allt upp yfir 30 cm. Einnig óx sitkagreni og fura mjög vel. Fræðr var afburða gott hér á Vesturlandi, ég minnst ekki að hafa séð fræ svo jafnt um hið víðáttumikla kjarrlendi á Vesturlandi. Skógur grænkaði ekki fyrr en um 6. júní. Lauffall varð fyrstu daga október.

Starfsfólk: Að jafnaði störfuðu 2 piltar og 4 unglingsstúlkur frá 1. júní til 18. sept., en í júní var fólkíð fleira, mest unglingsstúlkur, og auk þess var girðingarflokkur í júlímánuði, 5 piltar. Vinnulaun voru greidd 329.548.00, er skiptast á milli græðireits, nýrra girðinga, gróðursetningar, grisjunar, viðhalds fasteigna, vegagerðar o. fl. Auk þess eru áburðarkaup, flutningar o. fl. Helztu verkefni voru: Græðireiturinn, gróðursetning í Norðtunguskógi, Hreimstaðagirðingu og Jafnaskarðsskógi.

Girtar voru: Ný girðing í Reykholti, tæpra 800 metra löng, mjög vönduð, girt úr neti, vír og járnstaurum. Landið skóglaut, en gott til skógræktar. Ný girðing í Gilsbakkaskógi um 1 km., en auk þess er fjárpestargirðing nálega jafnlöng hinn nýju girðingu. Girðingin er vönduð, úrnýju efni, landið hallandi skógivaxin hlíð og afbragðs skógræktarland.

Viðgerð fór fram í Kiðárgljúfri á Jafnaskarðsgirðingu og víðar. Mjög erfitt að fást við Jafnaskarðsgirðingu sökum vatnsins og árinna, sem ryður öllu um koll í flóðum.

Sauðhússkógargirðing er nú ónýtt og verður ekki umflúið að koma þessu landi af höndum sér, enda illa séð og ekki til vegsauka fyrir skógræktina, og verður að smala landið.

Grisjað var í Jafnaskarðsskógi, bæði fyrir það, sem gróðursett var og einnig frá eldri gróðursetningu, og þyrfti að grisja þar miklu meira.

Gróðursetning: Gróðursett var sem hér greinir:

Hreimstaðagirðing:

1.200 rauðgreni 2/3 ottaroy Norðtungu.

1.000 sitkagreni 3/2 Homer Norðtungu.
3.000 birki 3/0 Hallormsstað.
Samtals 5.500 plöntur.

Jafnaskarðsskógur:

7.000 hvítgreni 3/3 Seward Vaglir.
15.000 rauðgreni ? ? Tumastaðir (síðsumars).
Samtals 22.000 plöntur.

Norðtunguskógur:

5.600 hvítgreni 3/3 Seward Vaglir.
8.200 rauðgreni 2/4 VefsenGrane Vaglir.
4.800 lerki Tumastaðir.
síðsumars
2.200 sitkagreni 3/2 Homer Norðtungu.
1.000 rauðgreni 2/2 Rissa Norðtungu.
Samtals 21.800 plöntur.

Alls hafa verið gróðursettar á vegum Skógræktar ríkisins 49.300 plöntur.

Áburðargjöf var framkvæmd í Norðtunguskógi. Borinn var á Kjarni blandaður þrífosfati. Á síðastliðnu ári var furan úðuð. Um árangur er ekki gott að dæma, en furulús var mun minna áberandi í ár á þeim stöðum þar sem engar lækningatílraunir voru gerðar, heldur en undanfarin ár.

Fræprufur tók ég á nokkrum stöðum - allt úr Þorskafirði, Dalasýslu og á Mýrar vestur. Eru þær geymdar.

Græðireitur í Norðtunguskógi:

Dreifsettar voru 67.000 rauðgreni 3/0 Stjórdal - Tumastaðir. Samkvæmt samþykktum, er gerðar voru á skógarvarðafundi 1966, var ákveðið að dreifsetja full 100 þúsund plöntur í græðireitinn. Átti nokkuð af plöntunum að koma frá Vöglum, en komu ekki. Hins vegar var landið undirbúið og varð af þessu aukakostnaður.

Úr reitnum voru teknar plöntur sem hér greinir:

7.200 sitkagreni 3/2 Homer.
9.000 rauðgreni 2/2 Rissa Samtals 16.200 plöntur.

Til ráðstöfunar á árinu 1967 verða, ef engin óhöpp koma fyrir:

15.000 sitkagreni 3/3 Homer (B 522)
7.000 rauðgreni 3/3 Otteroy (B 428)
1.500 stafafura 2/3 Samtals 23.500 plöntur.

Allur vinnukostnaður við græðireitinn reyndist um 126 þúsund kr., þar með upptaka plantna. Tíð var mjög óhagstæð og lengi varla vinnufært sökum bleytu og klaka. Þess má geta, að 8. júní var 20 cm. þykkur klaki sums taðar í græðireitnum.

Störfin voru með sama hetti og undanfarið. Eg annaðist framkvæmdir Skógræktarfélags Borgarfjarðar. Þá hafði ég umsjón með vinnu í Snorrargarði - hreinsun o. fl. Þess má geta, að nýr skólastjóri, Vilhjálmur Einarsson, tók þar við. Var hann ókunnugur gagnvart Snorrargarði, en sagði, að um fjárveitingu væri að ræða, sem væri að vísu ókomin. Eg tók starfið að mér, því að skólastjóri var í vandræðum með umhirðu garðsins. Skólastjóri hefur ekkert fengið greitt, en ég greiddi fólkinu úr eigin vasa í von um greiðslu, en hef ekkert fengið. Um framvindu Snorrargarðs er því nokkur vafi. Frá því síðast í maí og til 18. sept. var ég með fast aðsetur í Norðtunguskógi. Að þessu sinni fékk ég engar vanar stúlkur og er það vægast sagt fullkomin neyð að taka óvanar unglingsstúlkur til starfa í vondri tíð við erfið vinnuskilyrði.

Eg var fjarverandi í 180 daga ýmissa erinda fyrir skógræktina, auk þess sem ég var í Jafnaskarðsskógi og við skriftir heima.

Ferðir utan héraðs eru helztar:

28. febr. til 6. marz var ég á skógarvarðafundi í Reykjavík.

9. júní gróðursetti ég við Kvennaskólann ásamt námsmeyjum þar.

23. júní fór ég í skógræktargirðingarnar í Dalasýslu og jafnhliða var gróðursett í Hvammi í Dölum.

2. júlí fór ég á fund til Isafjarðar ásamt skógræktarstjóra og formanni Skógræktarfélags Íslands.

26. júlí fór ég ásamt 2 mönnum í Skógagirðingu í Þorskafirði og gerði við hana.

18. til 20. ágúst var ég á aðalfundi Skógræktarfélags Íslands að Laugum í Þingeyjarsýslu.

1. ^{2.}ókt. fór ég að Skógum í Þorskafirði til eftirlits og til að kynna mér horfur um framtíð Skógagirðingar. Ræddi ég í því sambandi við Sesselju í Skógum, sem er ef til vill hinn raunverulegi eigandi jarðarinnar.

Ymislegt: Í haust var rafmagn lagt að húsinu í Norðtunguskógi, eftir er að leggja í húsið sjálft. Margir ferðamenn koma og þurfa á fyrirgreiðslu að halda. Oft eru hliðin skilin eftir opin á skógræktargirðingunni við Hreðavatn, enda fólksstraumur mikill yfir sumarmánuðina.

Skógræktarstjóri kom í Janfaskarðs og Norðtunguskóg. Þá kom Baldur Þorsteinsson í græðireitinn.

Í vor var stofnað veiðifélag um Gljúfurá, en Sauðhússkógur á land að ánni. Eg mætti á fundi veiðifélagsins fyrir hönd Skógræktarinnar.

Þakka samstarfið og góða fyrirgreiðslu á árinu.

Hreðavatni á gamlaársdag 1966.

David Kristjánsson